

■ A TUMIEÇ

**I students des mediis
ae scuvierte di Ferigo**

Al va daûr des olmis musics e culturâls lassadis di **Giorgio Ferigo** il projet didatic che al à cjapât dentri par dut un an scolastic i arlêfs de Scuele medie statâl Gian Francesco da Tolmezzo. I percors che a son stâts puartâts indevant tes diviersis disciplinis a àn creât un libri che al sarâ presentât sabide ai 11 presints **GianPaolo Gri** e **Remo Cacitti**.



Il volum al è une sintesi dal lavôr di un an dai fantats che, vuidâts dai insegnants, a àn studiât e elaborât cualchidune jenfri lis tematichis di interès di Ferigo. La publicazion e je insiorade di preseôs contribûts di tancj siei amîs. A sierâ l'incuintri e a testimoneâ il lavôr davuelt tes classis, un grup musicâl de scuele al ricuardarà Ferigo e la sô opare sunant cualchi sô cjançon.